

# Testo critico

## I

1 Por la meillor c'onques formast Nature  
chant en espoir d'avoir alegement.  
Onc Deus ne fist si bele criature,  
toute valors en li croist et repret;  
5 ce me semont de chanter liement:  
que tant la sai bele et vaillant et sage.  
Si voirement con l'aim de fin corage,  
soient par li alegie mi torment.

3. Onc] Ainz **O** 4. toute] joie et **X**; valors] biauté**K**, valor**N** 7. voirement] doucement**X** 8. torment] toment**N**

## II

Mes ensi est, que Resons et Droiture  
10 dient que j'ai exploitié folement  
en ce que j'ai trop haut mise ma cure,  
mes ce qu'Amors me coumande et aprent  
----- \*  
ne porroie refuser sanz outrage:  
qui bien la sert ment en vaut son aage,  
15 por ce fet bon devenir de sa gent.

9. Mes] Nes **X** 11. ce] tant **KOX** \* *Mancante in tutti mss* 14. ment] melz **KOX**

## III

Por ce la serf, nus hons ne se doit faindre  
d'Amors servir, car toz biens vient de li:  
ma joie puet esforcier et estaindre  
si doucement c'onques ne le senti;  
20 enbla mon cuer et ma dame en sesi,  
qui bien me puet alegier ma grevance,  
et s'il li plest que muire en atendance,  
si l'aim je tant qu'il me plest bien ausi.

16. se] s'en**O** 17. Amors] Amour**O** 18. esforcier] efforcier**K**, enforcier**X**; et] ou**X**; estaindre] estraindre**KX** 22. s'il li] se li**O**; atendance] tendance **X**

## IV

Quant plus me voi guerrier et destraindre  
25 des maus d'amors qui ne m'ont pas guerpi,  
meuz aim et plus est la pensee graindre,  
dont je vos serf, dame, sachiés de fi;  
si m'a vers vos fine Amors enhardi,  
douce dame, ne l'aiés en viltance;  
30 cuer bien apris herbergiés en vaillance,  
ne m'ociez, je ne l'ai deservi.

25. des] daN 26. meuz aim et plus est la pensee] et quant mieuz aim ma pensee plus O 27. dont] donc O

## V

Mon cuer avez, tres bone dame chiere,  
puis qu'Amors l'a mis en vostre dangier;  
je ne l'en doi partir ne trere arriere:  
35 meuz aim morir que l'en voie elloignier,  
car uns espoirs me dit et fet cuidier  
c'oncor aurai recouvrier a la joie  
la ou par droit avenir ne porroie.  
Or mi puist Dex et fine Amor aidier.

34. arriere]manca inN 38. porroie] devroieKOX

## VI

40 Chançon, va t'en, penses de l'exploitier  
droit au Vaugon Guion et si li proie  
qu'il soit amans, que s'en amor s'otroie  
meus en vaudra por s'onor essaucier.

- letto 956 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/testo-critico-11>